

¡BOMBA!

No hay motivo de rapiña, Tribunal dijo en sesión: ya es final la decisión y ni que la hagan de piña



K'uintsil

Jueves 29 de agosto de 2024

CAMPECHE · YUCATÁN · QUINTANA ROO · AÑO 10 · NÚMERO 2309 · www.lajornadamaya.mx

Chúun u noj keetil Paralímpicos 2024, u ts'ook jaats le keetilo'ob táan u beeta'al París

Tu jo'oloy jump'eel winal káajal noj oliimpikóo k'iimbesaj tu noj kaajil Parise', chúun xan le miércoles máanika', u súutukil e'esik tán u káajal keetil Paralímpicos 2024, tu'ux ku kaxta'al u tóoch'ta'al "tuláakal wiinkilalo'ob yaan".

Tu yáam k'iim ku lelemánkil te'el parisinoil kaajo', beeta'ab jats'uts cha'an xáanchaj kex óoxp'eel ooráas, patjo'olta'ab tumen i-jo'olbesaj balts'am Thomas Jolly.

Chan ba'ax yéeya'ab ti'al u beetik u aalak'il París 2024', Phryge u k'aaba', ts'o'oke' leti' chiikpaj tu yáax

súutukilo'ob cha'an. Le je'elo' káaj yéetel jump'eel u cha'anil iparanadador francesil Théo Curin, ka'alikil na'aka'an ti' jump'eel kisbuuts' chuup yéetel u peluchesil le chan aalak'o'.

Yanchaj kex 4 mil 400 u túul déeportistas ti' kex 168 u p'eel noj lu'umo'ob; káaj u xiimbalo'ob Campos Eliseos, tukulta'an beey jump'eel ti' "u asab ki'ichkelemil noj bejo'ob yaan ichil tuláakal yóok'ol kaab", ka'aj k'ucho'ob Plaza de la Concordia, tu'ux ets'ekbal noj escenario tu bak'pachil Obelisco de Luxor, tu'ux e'esa'ab u cha'anil Paradoxe (Paradoja).

Te'elo', leti'e' tu'ux xo'ot u kaal Luis XVI yéetel María

Antonieta ka'alikil táan u ba'ateltáambalil Revolución, Jollye' tu k'a'aytaj cha'an tu'ux chiimpolta'ab "tuláakal wiinkilalo'ob".

U noj lu'umil Méxicoe' táan u chiikbesikubáaj yéetel 67 u túul máako'ob ku kaxtik u náajaltiko'ob kex jump'eel medayáa.

Máax jo'olbesik Comité Oorganizador de los Juegos, Toyn Estanguet, tu ya'alaje' ts'o'ok u ko'onol kex 2 miyoonesil boletóos ti'al u cha'antal keetilo'ob yaan u ts'o'okol tak tu k'iinil 8 ti' septiembre.

